

Oitava.-Publicación da relación de seleccionadas.

A relación provisional de seleccionadas, unha vez aprobada a proposta da comisión pola directora xeral do Servizo Galego de Promoción da Igualdade do Home e da Muller, publicarase no taboleiro de anuncios do organismo, nos das delegacións provinciais da Vicepresidencia da Igualdade e do Benestar e na páxina web oficial (<http://sgi.xunta.es>); resolución contra a que se poderá formular alegacións no prazo de dez días naturais. Nos dez días seguintes ao transcurso do prazo anterior publicarase a relación definitiva de entidades seleccionadas.

A resolución definitiva pon fin á vía administrativa e contra ela poderá interpoñerse, potestativamente, recurso de reposición ante o órgano que ditou o acto no prazo dun mes desde a súa publicación, de acordo co disposto no artigo 117 da Lei de réxime xurídico das administracións públicas e do procedemento administrativo común, ou directamente, recurso contencioso-administrativo ante o órgano xurisdiccional competente, no prazo de dous meses contados desde o día seguinte ao da súa publicación, de conformidade co establecido na Lei 29/1998, reguladora da xurisdición contencioso-administrativa.

Santiago de Compostela, 20 de novembro de 2007.

Ana Luisa Bouza Santiago
Directora xeral do Servizo Galego de Promoción
da Igualdade do Home e da Muller

IV. OPOSICIÓNS E CONCURSOS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Resolución do 14 de novembro de 2007, do tribunal III-A designado para vulgar o proceso selectivo para o acceso á categoría 065, do grupo III de persoal laboral fixo da Xunta de Galicia (oficial 1ª cociña//cociñeiro/a 1ª e outros) pola quenda de acceso libre, convocado pola Orde do 21 de febreiro de 2006 (Diario Oficial de Galicia número 61, do 28 de marzo) e Orde do 19 de febreiro de 2007, pola que se modifica a orde de convocatoria (Diario Oficial de Galicia número 43, do 1 de marzo), pola que se fai pública a data, a hora e o lugar de realización do 4º exercicio da fase de oposición.

En sesión que tivo lugar o día 14 de novembro de 2007, o tribunal III-A designado pola Orde do 4 de xuño de 2007 para cualificar o proceso selectivo para o acceso á categoría 065, do grupo III de persoal labo-

ral fixo da Xunta de Galicia (oficial 1ª cociña//cociñeiro/a 1ª e outros) pola quenda de acceso libre,

ACORDOU:

Primeiro.-De conformidade co disposto nas bases da orde de convocatoria para o acceso á categoría 065 do grupo III de persoal laboral fixo da Xunta de Galicia pola quenda de acceso libre, e segundo informe emitido pola Dirección Xeral da Función Pública, convocar unicamente a Elena María Fernández Baloi-ra (DNI 76862420-P), para a realización do 4º exercicio do proceso selectivo ao non acreditar a posesión do curso de perfeccionamento de galego no prazo fixado na orde de convocatoria.

Segundo.-O exame terá lugar o vindeiro día 30 de novembro de 2007, no Seminario C da Escola Galega de Administración Pública (polígono das Fontiñas, rúa Madrid 2-4, Santiago de Compostela), en chamada único que se iniciará ás 17.00 horas.

Terceiro.-A aspirante deberá presentarse provista de DNI ou documento fidedigno que acredite a súa identidade, a xuízo do tribunal. Non se permitirá no recinto onde se realice o exercicio, o acceso e tenza de teléfonos móbiles, axendas ou demais dispositivos de carácter electrónico. Así mesmo, queda prohibido o acceso ao recinto con calquera outro material ou instrumento de que se poida valer a aspirante para auxiliarse na realización do exercicio.

Santiago de Compostela, 14 de novembro de 2007.

José Antonio Vieites Quintáns
Presidente do tribunal

CONSELLERÍA DE EDUCACIÓN E ORDENACIÓN UNIVERSITARIA

Corrección de erros.-Orde do 5 de novembro de 2007 pola que se convoca concurso de traslados específico entre os funcionarios de carreira do corpo de mestres para cubrir prazas de xefatura do departamento de orientación nos colexios públicos de educación infantil e primaria e de educación primaria dependentes desta consellería.

Advertidos erros na citada orde, publicada no *Diario Oficial de Galicia* número 220, do 14 de novembro de 2007, cómpre facer as oportunas correccións:

Na páxina 18.236, no anexo II deben retirarse as vacantes «15008490 CEIP Víctor Sáenz de Mazari-cos» e «15014261 CEIP de Aguiño».

Na mesma páxina, onde di: «CEIP de Cervo», debe engadirse: «comparte co CEIP Mestre Rivera Casas de Cervo e co CEIP de Galdín, de Cervo».

Onde di: «CEIP de Meira», debe engadirse: «comparte co CEIP O Salvador da Pastoriza».

Onde di: «CEIP Antonio Pedrosa Latas de Viveiro», debe engadirse: «comparte co CEIP Santa Rita de Viveiro».

Orde do 16 de novembro de 2007 pola que se convoca concurso de traslados específico, entre funcionarios docentes do corpo de mestres e do corpo de profesores de ensino secundario, para cubrir prazas nos centros específicos de educación e promoción de adultos.

O Decreto 88/1999, do 11 de marzo, regula a ordenación xeral das ensinanzas de educación de persoas adultas e os requisitos mínimos dos centros. O artigo 23 do citado decreto prevé que a provisión de postos docentes nos centros específicos de educación e promoción de adultos se efectuará a través dun concurso de traslados específico, no cal se terá en conta, entre outros méritos, a experiencia no ensino de adultos en centros EPA, así como a formación acreditada.

Existindo vacantes nos centros de educación permanente de adultos, a Consellería de Educación e Ordenación Universitaria dispuxo convocar concurso de traslados de acordo coas seguintes bases:

Primeira.-Convócase concurso de traslados, de acordo coas especificacións que se citan nesta orde, para a provisión de prazas vacantes entre funcionarios docentes do corpo de mestres (corpo 597) e do corpo de profesores de ensino secundario (corpo 590).

Este concurso rexeráse polas seguintes disposicións: Lei orgánica 2/2006, do 3 de maio, de educación, Lei orgánica 9/1995, do 20 de novembro, de participación, avaliación e goberno dos centros docentes, Lei 30/1984, do 2 de agosto, de medidas para a reforma da función pública, Lei 13/2007, do 27 de xullo, de modificación da Lei 4/1988, do 26 de maio, da función pública de Galicia, Lei 4/1988, do 26 de maio, da función pública de Galicia, Real decreto 2112/1998, do 2 de outubro, Real decreto 850/1993, do 4 de xuño, Real decreto 575/1991, do 22 de abril, Real decreto 1701/1991, do 29 de novembro, Real decreto 1635/1995, do 6 de outubro, modificado polo Real decreto 2042/1995, do 22 de decembro, Real decreto 777/1998, do 30 de abril, Real decreto 1027/1993, do 25 de xuño, Real decreto 2193/1995, do 28 de decembro, e Decreto 88/1999, do 11 de marzo.

Segunda.-As vacantes que se ofertan neste concurso son as que se publican no anexo I da convocatoria.

Terceira.-Poderán participar neste concurso, a prazas correspondentes ás especialidades das que sexan titulares, os seguintes funcionarios de carreira do corpo de mestres e do corpo de profesores de ensino secundario.

1. Funcionarios dependentes da Consellería de Educación e Ordenación Universitaria.

1.1. Poderán participar con carácter voluntario neste concurso de traslados:

a) Os funcionarios que estean en situación de servizo activo con destino definitivo en centros dependentes da Consellería de Educación e Ordenación Universitaria, sempre que, de conformidade co establecido no parágrafo segundo do número 6 da disposición adicional décimo quinta da Lei 30/1984, do 2 de agosto, transcorresen ao termo deste curso académico polo menos dous anos desde a toma de posesión do último destino definitivo.

b) Os funcionarios que se atopen en situación de servizos especiais, expresamente declarados como tales nos puntos previstos no artigo 29.2º da Lei 30/1984, do 2 de agosto, así como as situacións de idéntica natureza establecidas por disposicións anteriores á Lei 30/1984, do 2 de agosto, desde centros actualmente dependentes da Consellería de Educación e Ordenación Universitaria, sempre que transcorresen ao termo deste curso académico polo menos dous anos desde a toma de posesión do último destino definitivo.

c) Os funcionarios que se atopen en situación de excedencia voluntaria declarada desde centros actualmente dependentes da Consellería de Educación e Ordenación Universitaria.

d) Os funcionarios que se atopen en situación de suspensión declarada desde centros actualmente dependentes da Consellería de Educación e Ordenación Universitaria, sempre que ao finalizar o curso escolar en que se realicen as convocatorias transcorrese o tempo de duración da sanción disciplinaria de suspensión.

1.2. Para os efectos previstos no número 1 enténdese como data de finalización do curso académico a do 31 de agosto de 2008.

1.3. De conformidade co establecido no artigo 12 do Decreto 124/2007, do 28 de xuño, polo que se regula o uso e a promoción do galego no sistema educativo, para participar no concurso de traslados a prazas o profesorado terá que acreditar a capacitación na devandita lingua, e deberá estar en posesión do certificado de lingua galega 4 (Celga 4), da súa validación ou títulos equivalentes. De conformidade co establecido no devandito decreto, nas especiali-